

Georg Brun zum günstigen Leser.

Freundlicher lieber Leser/ Nach dem in der historischer beschreibung der Stätt/ welche zu der Contrafactur derselbigen verfertiget/ nicht alles daru dienlich/ von wegen kleiner platz begriffen kan werden/ darumb habe ich in diesem zehner vnd Indice/ weytleuffiger von etlichen Stetten geschrieben/ dann es villeicht die natur vnd eigenschafft eines rechten zeygers erfordert/ damit nicht etwas die sinn dauon rhyum vnd lob der Stett belangend/ verschwiegen würde.

54. Aden in dem ädlen oder seligen Arabia/ die hauptstadt die gar schön/ stark vnd best/ sie ist an zweien ortten gemauert vnd an andern zweien seiten hat sie groß gebirg/ darauff ligen gewaltige Schlöffer.
13. Aich/ Aquisgranum/ Eine Reichsstat bast bey oder in Brabant/ von Grano dem Königlich Fürsten (wie etliche wollen) Neronis vñ Agrippae Bruder vorlangem zeitten angefangen/ vñ von seinem namen vnd den warmen wässern im ebenen felde erfunden/ also genant/ nemlich Granwasser von den Römern zerstört/ von Keyser Carolo Magno wider auff gebawet/ mit Mauern vmbfangen/ der sie auch zum Christlichen glauben brachte vnd das schön Wänster od' Kloster mit silber vnd goldt gezieret vñ gestiftet/ mehr auch ein herrlichen Pallast gebawet/ welcher Anno Christi/ 188 von de Nortmannern verbrandt/ da dem Wänster kein schade gesehen. alda ist Keyser Carulus Magnus gestorbe Anno 814. Seines alters 72. seines Reichs im 14. vñ in S. Marien Kirchen von jm kurz zuvor gebawet/ daselbst begrab.
24. Aldenburg/ Oldenburg/ ein alt Schloß In Hollas/ in Wagria/ Nachmals zur Satt gemacht/ am Meer gelegen/ mit einer guten pforte/ aber hernach vñ Meer weit abgewichē/ vñ wider zu ein dorff worden/ aber wider zur Stadt gemacht/ darinn der König Godschalcus der Mechelburger regiere.
21. Amsterdamm/ Amstelredamm/ eine hauptstadt in Hollande/ ist allenthalben/ gleich Venedig mit wasser verfeh/ hat reiche vnd hochmütige inwohner/ dann alle Holländische/ Englische/ Hispanische vnd viel andere gütter hie gemeinlich aufgeladen vnd verhandelt werden/ welches gewaltige Reichthumb mit geringer mühe dem Amsterdamer zufügt.
47. Ancona Ein alte Italianische stat am Adriatischen Meer gelegen/ der gleiche Schiffport in Italien nit wirdt gefunden.
58. Anfa.
18. Antorff/ oder eigentlich Antwerp ein woll durchlamete vnd namhafte Kauffstatt in Brabant/ dahin sich viel Teutschen/ Franzosen/ Italianer/ Spanier/ Engelen der vnd andere Nationen mit der wohnung vnd haushaltung begeben. In dieser Stett sein schöne gewaltige Kirchen vnd heuser/ Besonder aber vnser lieber frauē Kirch mit ein hohen steinē thurn vnd ein prechtiges schönes Bürgerhaus/ Auch haben die Erbäre Hanse/ Engelen der vnd Portugieser Ire gemeine heuser/ da die Kauffherren ire residenz vnd wohnung halten/ in S. Michaels Kirch/ welche eine Abden/ ist ein herrlich Monument vñ begräbnis Habels Thegemhals Herzogen Karls von Burgund Anno Christi 1567. am 5. Nouemb. seind die gewaltige Statmaur mit Blochheusern/ Pforten vñ Wolwerck statlich auffgemauert vñ mit ein grossen wassergraben vmbzogen von Cronenburg zu der Keyserport gächleiffet vnd zerbrochen/ vnd ist alda ein starke vñwinliche Burg vñ Schloß vom Herzog von Alba/ Subernatorn damals der Niederland/ auffgericht.
33. Appenzell ein stecken zwischen dem gebirg in Heluetic lande/ Ist mit des landes bundniß verbunden/ Im jar 1513.
14. Arella.
40. Arebatum/ Atricht. Ein Bischoffliche vñnd Mutterstat von Artois.
40. Augusta Vindellicorum/ Augspurg in Vindelicia oder Rhætia/ erstlich ein Dorff am wasser der Lech gelegen/ ist vñnd ein Reichsstat in Schwaben/ von Claudio Druso erweitert/ vñ Keyser Augusto zu ehren Augusta genant/ hat vorhin Sijaria/ von der Göttin Sija oder Iside Cerere geheissen/ die alda geeret worden/ Welche von Iaphete des Sons Noe kindern bewonet vñ angefangen. Etliche wollen/ sie sey vor Troia vñ der kinder von Israel außzug auff Egypten vñ vor Rom. 550. Jar gestanden/ ist mit mauren besetzt/ von den streitbaren Weibern Amazones genant/ oder wie andere wölsē geplündert/ vñ erobert von Marthesia der Königin Amazonen 600. jar vor erbauung der Stett Rom/ von den inwohner von Holz vñ Kott wider auffgericht/ vñ von gebewen forch sehr zugenommen/ Andere setzen iren anfang Anno/ vor Christi geburt 129.
58. Azamurum.
3. B.
6. BARCINO BARCELONA vñnd von den Römern Fauentia genant/ ein gar alte vñ namhafte stat in Hispanien/ Ist von den Moren vñ Barbarischen völkern/ welche Hispanien ingenommen vnd verwüst haben/ gar abgerissen vnd geschleiffet/ darnach aber von neuen einwohner auff gebawet/ vñ erweitert worden/ Gleich noch jetziger zeite an den alten mauren zu erschen/ das sie vorzeit klein gewesen/ vñ allein vier pforten gehabt/ Ist nu aber der massen erweitert/ dz sie das haupt ist von Catalonia/ vñ eine von den Reichsten/ schönsten/ vñ mehrtigsten stätten in Hispanien.
33. Basel/ ein Reichsstat im Elsas/ am fluß Rhenus/ vñ am Rhen zur zeit Keyser Graciani vñ Valentiniani gestandē/ wie Ammianus Marcellinus anzeiget/ von den bürgern/ vñ Keyser Arnolpfo gar zerbrochen/ damals Augusta Auaracora genant/ auß welcher Stett gerstörig/ diese neue stat erwachsen/ ist vom Keyser Henrichen dem ersten auffe neue erbawet/ vñ an dz ort gesant/ da sie jetzundt stehet/ vñ Basilia/ das ist/ Königsstat genant/ etliche nennen sie Basel oder Passel/ von dem Pass oder fahr am Rhein/ so von der erbauung alda gewesen/ sonst Aegnoptolis das ist Reichsstat/ so viel lautend als ein Königreich/ Es heist auch Basilia ein Königin/ das die Röhmer diese stat so viel geachtet als ein Kron vñ Königin/ Sie ist in zwö stätt gefondert/ die ein auff d Gallier seiten heist groß Basel/ vñ ist die ander Bischoffliche stadt/ die andere die kleine Stett auff der teutschen seiten/ Klein Basel genant/ durch ein Brück über